

# Tschantamaints da la Società retorumantscha : (Fundada als 15 december 1885)

Autor(en): [s.n.]

Objektyp: **Article**

Zeitschrift: **Annalas da la Societad Retorumantscha**

Band (Jahr): **55 (1941)**

PDF erstellt am: **29.06.2024**

Persistenter Link: <https://doi.org/10.5169/seals-210999>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

---

# Tschantamaints

da la

## Società retorumantscha

(Fundada als 15 december 1885)

*Revais ed acceptà da la radunanza generala  
dals 21 mai 1937.*

*Intent da la Società.*

### Art. 1.

Cumbat per il mantegnimaint e la preservaziun da la lingua materna, la plü veglia lingua dal pajais. Cultivaziun da quella in seis idioms specials, tuot in tscherchand d'avicinar quels scopür d'evitar ün massa grand sparpagliamaint da forzas, mezs e publicaziuns.

### Art. 2.

Collecziun e conservaziun da monumaints dal linguach rumantsch e publicaziuns da similas ed otras lavuors scientificas, belletristicas o dramaticas, poesias etc. saja illas Annalas, l'organ annual da la Società, saja in ouvras specialas.

### Art. 3.

Cumpilaziun ed ediziun dal Dicziunari rumantsch grischun (Idioticon) e promoziun d'otras lavuors scientificas da simil gener a prô da la lingua, da sia derivanza o istorgia.

*Organisaziun.*

### Art. 4.

Sco commember da la Società vain admiss scodün, da che nazionalità, lingua o idiom ch'el saja, pajand la contribuziun annuala.

Ün member po gnir exclus, sch'el nu vain incunter a seis obligs invers la Società o's deporta in möd chi fa dan a quella o sas miras. L'exclusiun vain fatta tras decisiun da la radunanza generala.

## Art. 5.

Mincha trais ans elegia la radunanza generala in sia prüma tschantada da l'an sia suprastanza, chi's cumpuona d'almain 7 commembers, chi's dëssan scumpartir in möd pussibelmaing güst süls differents idioms e süllas differentas cuntradas rumantschas.

Il president vain elet da la radunanza generala stess, invezza cha la suprastanza as constituescha da sai.

## Art. 6.

La suprastanza maina ed administrescha ils affars da la Società confuorm a l'intent da la Società e nomna our da seis ravuogl ün redactor o üna cumischiun da redacziun da las Annalas.

## Art. 7.

La Società salva in mincha cas duos vouta l'an üna radunanza generala e's radunescha uschigliö tant suvent co cha la suprastanza resguarda quetant per necessari.

Pussibelmaing dess almain üna radunanza avoir lö sü'l pajais, in terra rumantscha.

## Art. 8.

Il material scientific, scopür la biblioteca e'l mobiliar chi servan a la redacziun dal Dicziunari rumantsch grischun (D. R. G.), sun proprietà da la Società retorumantscha. Quaista, resp. sia suprastanza tscherna redactuors ed agüdants ed elegia la cumischiun linguistica. Las incumbenzas da quaist' ultima gnaran fixadas in üna decisiun speciala da la suprastanza.

*Obligaziuns dals commembers.*

## Art. 9.

Mincha commember paja annualmaing frs. 5.— illa cassa da la Società ed artschaiva gratuitamaing l'organ annual, las Annalas.

## Art. 10.

Ils commembers promovon tant co pussibel las miras e'ls intents da la Società retorumantscha scopür la collecziun da monuments rumantschs e la propagaziun da las Annalas.

## Art. 11.

Eventualas collecziuns, la biblioteca da la Società, la copcha da referats plü importants miss a disposiziun etc. vegnan confuormamaing al parair da la Società retorumantscha, depositats illa Biblioteca chantunala a disposiziun dals commembers da la Società. Quaista as reserva percunter il dret da proprietà.

## Art. 12.

Lingua ufficiala illas radunanzas ais il rumantsch in seis differents idioms e'ls commembers tscherchan d'evitar pussibelmaing expressiuns estras.

## Art. 13.

La proprietà da la Società resta, per cas cha l'ultima avess da's schoglier, illa conservaziun da la Biblioteca chantunala e, schi's tratta da munaida o tituls, in quella da l'administraziun da finanzas chantunala. Il tuot gnarà surdat ad üna nouva Società chi avess da nascher cul medem intent e l'istessa mera.

## Art. 14.

Quaists tschantamaints substitueschan ils prüms tschantamaints da la Società retorumantscha dals 15 december 1885 e pon gnir revais cur chi saja tenor la decisiun valabla d'üna magiuranza da vuschs absoluta dals members preschaints a la radunanza generala, clamada aint a tal böt confuormamaing a quaists tschantamaints o a las relativas disposiziuns legalas dal Cudesch civil svizzer.

## Art. 15.

In cas da dubi o in tuots cas ingio cha quaists tschantamaints nu cuntognan ingünas disposiziuns, dan norma ils artichels dal Cudesch civil svizzer.

*Cuoira*, ils 21 mai 1937.

Per la radunanza generala da la  
Società retorumantscha:

Il president: *Dr. Rob. Ganzoni*.

L'actuar: *Dr. Aug. Cahannes*.